

詩

集

廣

序

詩集廣序目次

卷之四

五言漢詩

三

五言漢詩

三

五言漢詩

三

李

宣

武

別詩四首

王

陵

別詩三首

王

陵

別詩八首

詩集廣序

詞次

漢詩

五言

詩集廣序目次卷之四終

男爾邁校正

詩集廣序 卷之四

江左朱嘉徵止谿論正

中州許三禮西山叅定

漢詩三

五言二

蘓武

子卿京兆人。武帝天漢二年以中郎將使匈奴。十九年不屈節。昭帝時和親得歸漢。拜爲典屬國。宣帝神爵二年卒。

竹林詩評曰：蘓武作稱爲高古。非清廟之瑟。朱絃疏越。一唱三歎。更無可喻之。

別詩四首

骨肉緣枝葉。結交亦相因。四海皆兄弟。誰爲行路人。況我連枝樹。與子同一身。昔爲鴛與鴦。今爲參與辰。昔日

嘗相近。邈若□與秦。惟念當乖離。恩情日以新。鹿鳴思野草。可以喻嘉賓。我有一樽酒。欲以贈遠人。願子留斟酌。敘此平生親。

右出使時別兄弟詩
集考漢書武兄弟並爲郎凝錄別詩奕奕合衆芳是也

結髮爲夫妻。恩愛兩不疑。歡娛在今夕。燕婉及良時。征夫懷往路。起視夜何其。參辰皆已沒。去去從此辭。行役在戰場。相見未有期。握手一長歎。淚爲生別滋。努力愛春華。莫忘歡樂時。生當復來歸。死當長相思。

右留別婦詩玉臺同載餘並闕謹按風詩豈無膏沐誰適爲容而子卿別婦乃云努力愛春華何歟夫臣死節下臣之春華也妻死初醮妻之春華也語見至分

燭燭晨明月。馥馥我蘭芳。芬馨良夜發。隨風聞我堂。征夫懷遠路。遊子戀故鄉。寒冬十二月。晨起踐嚴霜。俯觀江漢流。仰視浮雲翔。良友遠別離。各在天一方。山海隔中州。相去悠且長。嘉會難再遇。歡樂殊未央。願君崇令德。隨時愛景光。

右出使時別李陵詩

集考漢書武帝太初元年改從夏正十二月夏正也謹按劉知幾辨李陵與蘆武書非西漢文東坡因謂蘆李贈答詩亦後人所擬蘆統不能辨或謂武在長安作何爲及江漢諸人說詩亦固矣哉燭燭晨明月爲征夫懷遠路之典馥馥我蘭芳爲遊子戀故鄉之興蓋晨光易熹而芳風可懷也昔人謂江出岷山漢出嶓冢流至大別山而合舉江漢言分者有時而合也舉浮雲言遠者有時而近也以興良友之近可遠合可分乃宋人少之空唐以後無詩也諸詩類此

黃鵠一遠別千里顧徘徊。馬失其羣心嘗依依。何

况雙飛龍羽翼臨當乖。幸有絃歌曲可以愈中懷。請爲遊子吟。泠泠一何悲。絲竹厲清聲。慷慨有餘哀。長歌正激烈。中心愴以摧。欲展清商曲。念子不得歸。俛仰內傷心。淚下不可揮。願爲雙黃鵠。送子俱遠飛。

右歸漢時別李陵詩

四首文選並載

謹按是詩比物連類絕不下一實語蓋中有難言者。只念子不得歸一句正出此國風之正。參看擬詩雙鳬俱北飛。雙鳩相背飛便覺虛情頓減。

序曰子卿人倫之選也。余四言首韋孟。五言先蘓公。詩以人重哉。

李陵

少卿廣之孫也。爲騎都尉。天漢中。將步卒五千擊匈奴。轉鬪矢盡。遂降。單于以女妻之。並爲

右校王。昭帝初。霍光遣其故人龍西任立政往招之。陵數循其髮。答曰。丈夫不能再辱。在匈奴二十

一年死

卮言曰李作工山意表忠寓法外曹氏父子尚或難之况後人乎

與蘓武詩

三首

嘉會難再遇三載爲千秋臨河濯長纓念子悵悠悠遠望悲風至對酒不能酬行人懷往路何以慰我愁獨有盈觴酒與子結綃繆

集考冠纓仕子所服灑以遠遊

擣手上河梁遊子莫何之徘徊蹊路側悵悵不能辭行人難久留各言長相思安知非日月弦望自有時努力崇明德皓首以爲期

右二首在漢京送子卿使匈奴詩
集考三載弦望皆冀其復來也

良時不再至。離別在須臾。屏營衢路側。執手野踟蹰。仰
視浮雲馳。奄忽互相踰。風波一失所。各在天一隅。長當
從此別。且復立斯須。欲因晨風發。送子以賤軀。

右句中別子卿詩
集考浮雲奄忽因風波蕩言客遊飛薄亦爾晨風蚤
風也王右丞詠古詩引領望子卿非君誰相理正
從選子以賤軀領出

序曰李少卿詩調高氣逸。怨風之正。相其才氣無
雙。有雄視一世之槩。武帝憐才。若在漢廷。空同有凌
雲之目。後來陳思王。王仲宣。劉文學及劉越石輩。領
此風格。唐高岑頗見一班。思力浸薄矣。

亡名氏

謹按古詩因事託風。未有擬作也。擬作之興。自蕭何
錄別詩始。開後人擬古詩古意。古風之例。余次之

蘊李之後，誦詩者審其聲調而氣象之大小可知矣。

擬李陵錄別詩

八首

有鳥西南飛，熠熠似蒼鷹。朝發天北隅，暮聞日南陵。欲寄一言去，託之牋綵繪。因風附輕翼，以遺心蘊蒸。鳥辭路悠長，羽翼不能勝。意欲從鳥逝，駕馬不可乘。

集考文苑章注易陽島下言飛之疾北隅匈奴南陵吟漢

爍爍三星列，拳拳月初生。寒涼應節至，蟋蟀夜悲鳴。晨風動喬木，枝葉日夜零。遊子莫思歸，塞耳不能聽。遠望正蕭條，百里無人聲。豺狼鳴後園，虎豹步前庭。遠處天一隅苦困，獨零丁。親人隨風散，歷歷如流星。三萍離不結，思心獨屏營。願得萱草枝，以解饑渴情。

集考三星參也。秋分後見于東方。拳拳曲貌。晨風曉風三萍蘋藻萍皆浮水生。喻飄泊。

寂寂君子坐奕奕合衆芳。溫聲何穆穆。因風動馨香。清言振東序。良時著西庠。乃命絲竹音。列席無高唱。悲意何慷慨。清歌正激揚。長衰發華屋。四坐莫不傷。

集考初武兄弟並爲郎後以中郎將使匈奴。言武在漢廷時議論出諸人右。

晨風鳴北林。熠燿東南飛。願言所相思。日暮不垂帷。明月炤高樓。想見餘光輝。玄鳥夜過庭。髡鬚能復飛。褰裳路踟躕。彷徨不能歸。浮雲日千里。安知我心悲。思得瓊樹枝。以解長渴饑。

集考章注晨風鶯也。熠燿螢火也。夫晨飛之鳥。鳴乎幽陰。夜行之虫。向陽而飛。喻身之失所寄也。詩經注。

焜耀光不定貌。謹按少卿詩欲因晨風發於擬者兩見。

陟彼南山。隅送子淇水。陽爾行西南遊。我獨東北翔。轔
馬顧悲鳴。五步一彷徨。雙鳬相背飛。相遠日已長。遠望
雲中路。想見來圭境。萬里遙相思。何益心獨傷。隨時愛
景曜。願言莫相忘。

謹按此章所擬。在漢時別子卿詩也。淇水漢屬河內郡。南濱大河。西壓上黨。爾行西南游。往使也。志分手于此地。故蕪卿出使時別少卿詩亦有俯觀江漢流之句。結調相勉意正同。疑有錯簡。

鍾子歌南音。仲尼歎歸與。戎馬悲邊鳴。遊子戀故廬。陽
鳥歸飛雲。蛟龍樂潛居。人生一世間。貴與願同俱。身無
四凶罪。何爲天一隅。與其苦筋力。必欲榮薄軀。不如及

清時策名于天衢。

集考。左傳楚人鍾儀繫于晉。晉侯與之琴。操南音。公曰。樂操土風不忘舊也。陵答武書策名清時。葉問。

休暢

鳳凰鳴高岡。有翼不好飛。安知鳳凰德。貴其來見稀。

右七章見文苑
闕文

紅塵蔽天地。白日何冥冥。微陰盛殺氣。淒風從此興。招搖西北指天漢。東南傾。嗟爾穹廬子。獨行如履冰。短褐中無緒。帶斷續。以繩瀉水置瓶中。焉辨淄與澑。巢父不洗耳。後世有何稱。

修文殿御覽

擬蘓武答詩

一首

童童孤生柳。寄根河水泥。連翩遊客子。于冬服涼衣。去家千里餘。一身嘗渴饑。寒夜立清庭。仰瞻天漢滑。寒風

吹我骨嚴霜切我肌憂心嘗慘戚晨風爲我悲瑤光遊
何速行願去何遲仰視雲間星忽若割長帷低頭還自
憐盛年行已衰依依戀明世愴愴難久懷

右見文苑逸詩

集考。櫟易衰之木。又托根浮濱。言以弱植客異域也。

童童獨立貌割如發蒙蔽而有所睹。

鍾惺曰。諸詩名章古調。有挺出前詩者。正其下。蘊李一格。詳其韻調。非孔融蔡邕輩不能益辨。蘊李詩允五言作者。

謹按。太白稱其辭纏綿巧妙。近是危言。渾朴之目。太無皂白。

序曰。河梁詩氣朴而真。錄別詩情雋而巧。正以絕不似爲工。相其意匠經營。都是空中結擗。是建安七子氣運去前作則有咫矣。

詩集廣序卷之四終

男爾邁校正

詩集廣序目次 卷之五

漢詩

四

五言

三

周

班

詠史

同聲歌

衛

張

賦

亨

贈四王冠詩

泰

嘉

留郡贈婦三首

蔡

邕

翠鳥

酈

炎

見志詩二首

孔

融

雜詩二首

繁

欽

蕙韻

悲憤詩

西王母

玄靈曲

上元夫人

步玄曲

田四妃

答歌

馬明生

遊仙詩二首

荊

君茅山歌

詩集廣序目次卷之五終

男爾邁校正

詩集廣序

卷之五

江左朱嘉徵止谿論正

中州許三禮西山叅定

漢詩

四

五言

三

班固

孟堅扶風安陵人。建初中除蘭臺令史。遷玄武司馬。母憂去官。大將軍竇憲征勾口以爲中護軍。後憲敗。雒陽令种競捕固死獄中。

劉彥和曰。孟堅雅懿才密而思靡。

詩品曰。孟堅才流而老子掌故觀其詠史有感歎之辭。

詠史

三王德彌薄。惟後用肉刑。太倉令有罪。就逮長安城。自恨身無子。困急獨哭號。小女痛父言。死者不可生。上書

詣闕下。思古歌雞鳴。憂心摧折裂。晨風揚激聲。聖漢孝文帝。惻然感至情。百男何憤憤。不如一緹縈。

右見詩紀謹按。典則可誦。樂府雜曲秦女休行。倣此。

序曰。孝文除肉刑。當代事耳。如大雅之頌文王爲後王法也。止輦受言。風采至今可想。

張衡

再見

沈休文傳論曰。平子斃發。文以情變。久無嗣響。劉彥和曰。平子淹通慮周。而藻密。

同聲歌

邂逅承際會。得充君後房。情好新交接。恐慄若探湯。不才勉自竭。賤妾職所當。綺繆主中饋。奉禮助烝嘗。思爲莞蒻席。在下蔽匡牀。願爲羅衾幘。在上衛風霜。洒埽清

枕席覩芬以狄香重戶結金扃高下華燈光衣解巾粉
御列圖陳枕張素女爲我師儀態盈萬方衆夫所希見
天老教軒皇樂莫斯夜樂沒齒焉可忘

右載玉臺新詠

序曰同聲諷也當時貴戚相浣宦寺擅權君志蠹矣
君子惓惓忠愛雖變而不失其正焉定情篇又浸淫
楚謫矣

應亭

爵里無考

贈四王冠詩

永平四年外弟王景系兄弟四人並冠故貽之詩曰

濟濟四令弟妙年踐二九令月惟吉日成服加元首人

咸飾其容。鮮能離塵垢。雖無兕觥爵。杯醮傳旨酒。

右見詩紀

序曰。冠猶行古之道也。詩頗典雅可頌。

秦嘉

再見

留郡贈婦詩三首

本序嘉爲上郡掾。其妻徐淑寢疾還家。不獲面別。贈詩云爾。

人生譬朝露。居世多屯蹇。憂艱嘗早至。歡會嘗苦晚。念當奉時役。去爾日遙遠。遣車迎子還。空往復空返。省書情悽愴。臨食不能飯。獨坐空房中。誰與相勸勉。長夜不能眠。伏枕獨展憂。來如循環匪席不可卷。

皇靈無私親。爲善荷天祿。傷我與爾身。少小罹斃獨。旣

得結大義歡樂苦不足念當遠離別恩念叙欵曲河廣
無舟梁道近隔丘陸臨終懷惆悵中駕正躡躅浮雲起
高山悲風激深谷良馬不廻鞍輕車不轉轂鍼藥可屢
進愁思難爲數貞士篤終始恩義不可促

肅肅僕夫征鏘鏘揚和鈴清晨當引邁東帶待雞鳴顧
看空室中。髡髡想姿形一別懷萬恨起坐爲不寧。何用
叙我心遺思致欵誠寶釵好耀首明鏡可鑒形芳香去
垢穢素琴有清聲詩人感木瓜乃欲答瑤瓊愧彼贈我
厚慙此往物輕雖知未足報貴用叙我情

右三章見玉臺新詠後附徐淑答詩

徐淑答秦嘉詩曰。妾身兮不令。嬰疾兮來歸沈滯兮
家門。歷時兮不差。曠廢兮侍覲。情敬兮有違君今兮
奉命遠適兮京師。悠悠兮離別。無因兮叙懷瞻望兮

踴躍佇立兮能徊思君兮感結夢想兮容暉君發兮
引邇去我兮日垂恨無兮羽翼高飛兮相追長吟兮
永歎淚下兮沾衣

楊慎曰予觀藝文類聚見東漢婦人徐淑與夫秦嘉
兩書文觀玉臺新詠見其與夫詩皆麗則可誦又考
史通稱其動合禮儀言成規矩夫死毀形不嫁哀痛
傷生可謂才德兼美者也范曄後漢書作列女傳乃
舍淑而取蔡琰何哉

序曰秦嘉徐淑琴瑟間良友也詩亦家人語不覺醇
至潘安仁悼亡詩極摹此種

蔡邕

伯喈陳留圉人建寧中辟司徒橋玄府出補河
平長徵拜郎中較書東觀遷議郎靈帝崩董卓
爲司空辟邕遷尚書侍中及卓誅邕允收邕付廷
尉死于獄

翠鳥

庭陬有若榴綠葉含丹繁翠鳥時來集振翼修形容回
顧生碧色動搖揚縹青幸脫虞人機得親君子庭馴心

托君素嶩雄保百齡。

右載詩紀

謹按唐人詠雀詩無如君子前本此。

序曰。中郎翠鳥詩。寄託遠開後人詠物體。

酈炎

文勝范陽人。五文才尚志氣靈帝時州郡辟命皆不就。

見志詩

大道夸且長。窘路狹且促。修翼無卑棲。遠趾不步局。舒吾凌霄羽。奮此千里足。超邁絕塵驅。倏忽誰能逐。賢愚豈嘗類。稟性在清濁。富貴有人籍。貧賤無天錄。通塞苟繇已。志士不相卜。陳平教里社。韓信釣河曲。終居天下宰。食此萬鍾祿。德音流千載。功名重山嶽。

靈芝生河洲。動搖因洪波。蘭榮一何晚。嚴霜瘁其柯。哀

哉二芳草。不植泰山阿。文質道所貴。遭時用有嘉。絳灌臨衡宰。謂誼崇浮華。賢才抑不用。遠投荆南沙。抱玉乘龍驥。不逢樂與和。安得孔仲尼。爲世陳四科。

右二章載詩紀
詩品曰。文勝托詠靈芝。懷寄不淺。

序曰。見志詩傷時也。當時謠曰。寒素清白濁如泥。東漢之選舉廢矣。

孔融

再見

漢史稱融爲北海太守。自袁公路術爲冢中枯骨。豈憂國忘家者。其墮畧如此。乃志在靖難。而才疎意廣。訖無成功。

魏文帝典論曰。孔融體氣高妙。有過人者。然不能持論。理不勝辭。至于雜以嘲戲。及其所曾揚班儕也。

雜詩

巖巖鍾山首。赫赫炎天路。高明曜雲門。遠景灼寒素。昂
昂累世士。結根在所固。呂望老匹夫。苟爲因世故。管仲
小囚臣。獨能建功祚。人生有何嘗。但患年歲莫。幸托不
肖軀。且當猛虎步。安能苦一身。與世同舉厝。繇不慎小
節。庸夫笑我度。呂望尚不希。夷齊何足慕。

集考。十洲記。鍾山在北海之北。仙家種芝地。其山之
巔。至北極寒之所也。淮南子。南方曰炎天。章注言。
炎涼之相絕。一生秉節。不爲世移也。末言呂望貪功。
夸齊狗名。二者皆非所思。

鍾惺曰。文舉別有曠識。初似置呂望于管仲之下。此
又似置夸齊于呂望之下。頗倒抑揚。不落世人眼耳。

序曰。雜詩詠巖巖漢魏六代重門第之弊畧見。文
舉意廣才疎。行徑落落。開後人飲酒詩。偶然作一派
風氣。

遠送新行客。歲暮乃來歸。入門望愛子。妻妾向人悲。聞
子不可見。日已漸光輝。孤墳在西北。嘗念君來遲。褰裳
上墟丘。但見蒿與薇。白骨歸黃泉。肌體乘塵飛。生時不
識父。死後知我誰。孤魂遊窮野。輜輶安所依。人生圖厚
息。爾死我念追。俛仰內傷心。不覺淚沾衣。人生自有命。
但恨生日希。

集考。融遇害時。男女長幼凡四子。操皆殺之。此子早
歿。史不載。

序曰。遠送新行客。至哀無聲。爲曹王七哀所祖。

臨終詩

本傳。融爲太中大夫。見曹操雄詐漸著。頻書爭之。多
致乖忤。又奏宦準古王畿之制。千里寰內。不以封建。
諸侯。操疑其所論建漸廣。並憚之。欲應承旨。以微法
免融。又令路粹誣奏融。下獄弃市。

多言令事敗。器漏苦不密。河潰蟻孔端。山壞猿穴涓。
涓江漢流天牕通冥室。讒邪害公正浮雲翳白日。靡辭
無忠誠。華繁竟不實。人有兩三心。安能合爲一。三人成
市虎。浸漬解膠漆。生存多所慮。長寢萬事畢。

右三章見文苑

集考。涓涓小水。能益江漢。大窗隙。能通暗室。言已相與構成已罪也。

序曰。魏祖雄詐。起手便見。文舉至死方悟。何見之晚
耶。志稱文舉。高談清教。盈溢官曹。論事考實。難可悉
行。豈所謂高才而處末流者乎。

失題

歸家酒債多。門客粲幾行。高談滿四座。一日傾千觴。

序曰。孟公投轄。北海開尊。鄭莊驛馬長安。以通賓客。皆豪舉也。此等舉動。亦見世斯季矣。

繁欽

休伯文才機辨少得名于汝頽爲丞相主簿建
安二十三年卒

蕙詠

蕙草生山北。托身失所依。植根陰崖側。夙夜懼危顙寒泉。浸我根。淒風嘗徘徊。三光焰八極。獨不蒙餘暉。葩葉永彫悴。凝露不暇晞。百草皆含榮。已獨失時姿。比我英芳發。鶡鳴已哀。

右戴詩紀

序曰。繁休伯蕙詠。與古詩橘柚比義略同。此爲變風。

蔡琰

文姬邕之女也。博學有才，辯文妙于音律，適河東衛仲道夫亡無子，歸寧于家。興平中，天下喪亂，爲□騎所獲，沒于南匈奴。左賢王十三年生二

子。曹操痛邕無嗣，遣使者以金璧贖之，重嫁陳留董祀。後感傷亂離，遺懷悲憤，作詩二章。

悲憤詩

漢季失權柄，董卓亂天嘗。志欲圖篡弑，先害諸賢良。逼迫遷舊邦，擁主以自疆。海內興義師，欲共討不祥。卓衆來東下，金甲耀日光。平土人脆弱，來兵皆□羌。獵野圍城邑，所向悉破亡。斬戮無子遺，尸骸相牚拒。馬邊縣男頭，馬後載婦女。長驅西入關，廻路險且阻。還顧邈冥寥，肝脾爲爛腐。所略有萬計，不得今屯聚。或有骨肉俱欲言，不敢語。失意幾微間，輒言斃降□。要當以亭刃，我曹

不活汝豈不惜性命不堪其詈罵或使加捶杖毒痛參
并下且則號泣行夜則悲吟坐欲死不能得欲生無一
可彼蒼者何辜乃遭此厄禍邊荒與華異人俗少義理
處所多霜雪□風春夏起翩翩吹我衣肅肅入我耳感
時念父母哀歎無窮已有客從外來聞之嘗歡喜迎問
其消息輒復非鄉里邂逅微時願骨肉來迎已已得自
解免當復棄兒子天屬綴人心念別無會期存亡永乖
隔不忍與之辭兒前抱我頸問母欲何之人言母當去
豈復有還時阿母嘗仁惻今何更不慈我尚未成人奈
何不顧思見此崩五內恍惚生狂癡號泣手撫摩當發
復回疑兼有同時輩相送告離別幕我獨得歸哀叫聲

摧裂馬爲立踟蹰。車爲不轉轍。觀者皆歎欷。行路亦嗚咽。去去割情戀。遄征日邇邇。悠悠三千里。何時復交會。念我出腹子。胸臆爲摧敗。旣至家人盡。又復無中外。城郭爲山林。庭宇生荆艾。白骨不知誰。從橫莫覆蓋。出門無人聲。豺狼號且吠。斃斃對孤景。怛咤糜肝肺。登高遠眺望。魂神忽飛逝。奄若壻。命盡旁人相寬太。爲復彊視息。雖生何聊賴。託命於新人。竭心自易厲。流離成鄙賤。嘗恐復捐糜。人生幾何時。懷憂終年歲。

右詩載後漢書。徵一作殲。掌直庚反。

蔡寬夫曰。後漢書載琰二詩。或疑非琰辭。蓋未嘗詳考于史也。初卓擅廢立。袁紹輩起兵山東。以誅卓爲名。中原大亂。卓挾獻帝還長安。是時士大夫豈能以家自隨。則琰之入。不必在邕誅之后。其詩首言逼迫遷舊邦。海內興義師。則指紹輩可見。繼言繼孺

圍城邑長驅西入關則是爲山東兵所掠也。未云感時念父母哀歎無窮已。則邕尚在止疑也。

鍾惺曰。五言古詩長篇漢人亦不易作。惟悲憤詩及廬江小吏妻耳。二詩詳至而不冗漫。變化而不雜亂。

斷續而不碎脫。老杜北征諸篇頗優入之。元自長詩人病其無法亦本于此。特其力疲而體率耳。

序曰。古人論士才節二者往往不能兼。婦人亦然。楊升庵以此定徐淑蔡琰之優劣。則過矣。琰自爲詩曰。

薄志節兮念死難。此語亦斷盡千古文士伎倆。夫能兼之者蘿子卿陶淵明二人耳。阮嗣宗遯世。張季鷹知幾。非節也。李少卿志不再辱。昭君自請行單于。嵇叔夜好鋟以忘生。機雲入雒以及禍。潘生閑居與石友同歸康樂遊山爲世大戮。不善用其才。蓋與孔北海等。嗚呼。才亦難言哉。此蔡琰之不甘與草木同腐。

也論徐淑者以夫死毀容見稱。淑亦平世三公才也。
節則吾未之聞焉。

西王母

玄靈曲

武帝內傳曰。元封元年七月七日。西王母降于漢宮酒觴數編。諸侍玉女作樂。命法樂歌玄靈之曲。

大象雖寥廓。我把天地戶。披雲沉靈輿。倏忽適下土。空洞成玄竅。至靈不容冶。太真噓中唱。始知風塵苦。願神三田中。納精六闕下。遂乘萬龍椿。馳騁盼九野。

右載內傳下同
謹按。天地之戶。真氣守之。不過陰陽。噓吸自然而春秋旦暮運焉。風塵自苦。至靈其何心哉。疑出秦博士爲仙真人詩。流傳入漢宮。

上元夫人

上元夫人。道君弟子也。亦玄古以來得道總統其真籍。亞于龜臺金母所降之處。多

詩集廣序

卷五

漢四

五言

七

使侍女相聞以爲賓侶焉

步玄曲

內傳曰。西王母招上元夫人至。自彈雲琳之琴
歌步玄之曲。

昔涉玄真道。騰步登大霞。負笈造天關。借問太上家。忽
過紫微垣。真人列如麻。漾景清飈起。雲蓋映朱葩。蘭宮
敞朱闕。碧室起璫沙。丹臺結空構。暉曠生光華。玉胎來
絳芝。尤色紛相擎。挹景練仙骸。萬劫方童牙。唯言壽有
終。扶桑不爲芽。

詩紀。室作空。今從藝文。
謹按。步玄言內景也。丹臺初成之候。

田四妃

答歌

西王母。又命侍女田四妃答歌二首

晨登太霞宮。挹泚把玉蘭。夕入玄元闕。采藥掇琅玕。濯足匏瓜河。織女立津盤。吐納挹景雲。味之當一餐。紫微何濟濟。璣輪服朱丹。朝發汗漫府。莫宿句陳垣。去去道不同。且客體所安。二儀設猶存。奚疑億萬椿。

右三詩載詩紀外集謹按答歌酒洒游行是能不離風塵者。仙佛道何曾去人之遠。

馬明生

遊仙詩

二首

本傳明生隨安期負笈周游天下。二十年。安期曰。子真有仙骨。遂受以太清金液丹方。入華陰山餌之。歸去著詩。漢光和三年也。

天地自有嘗。人命最險毳。年若驚弦發。時猶輕矢逝。雖有灼灼姿。玉爲塵土穢。林草無秋輝。綠葉豈終歲。惜此繁茂摧。哀彼寒霜厲。有存理必亡。有興故有廢。真官戲立津。與物無凝滯。神沖紫霄內。形棲山水際。對虛忘有懷。遊目託容裔。風塵將何來。眞道故可太。

濁塗諒爲歡。世樂豈足預。振褐埽塵遐。飄飄獨遠舉。寥寥巖嶽際。蕭蕭縱萬慮。靈真與我遊。落景乘鴻御。朝乘雲輪來。夕駕扶搖去。嗷嘈天地中。囂聲安得附。

右二章見本傳

謹按與物無凝滯六通之畧見矣

茅君

茅山歌

內傳曰茅盈咸陽人也得道隱句曲鄉人因改句曲
爲茅君之山時盈二弟俱貴袁爲五官大夫西河太
守固爲執金吾各棄官渡江求兄于東山後咸得仙
道太上命固治丹陽句曲山袁治嘗良之山盈爲司
命真君東嶽上卿于是盈與二弟訣別俱去固袁留
治此山漢平帝元壽二年也。固法既融外敦坦平爾
乃風雨以時五禾成熟疾癒不起暴害不行父老歌
之

茅山連金陵江湖據下流三神乘白鶴各在一山頭佳
雨灌畦稻陸田亦復周妻子保堂室使我無百憂白鶴
翔青天何時復來遊

右見雲笈七錄外篇

序曰余頌嗣宗詠懷詩黃鸝呼子安千秋未可期置
此明朝事日夕將見欺夫世之爲方仙道其爲方士
迂怪見欺者多矣讀諸仙詩平淡其言可謂不欺吳

赤鳥七年。葛孝先仙去。駐駕空中。爲詩云。大道嘗無爲。弘之繇始可方。一切真道矣。大豈欺我。

詩集廣序卷之五終

男爾邁訂正

詩集廣序目次 卷之六

魏詩

二

五言

一

文帝

雜詩

芙蓉池作

於譙作

於玄武陂作

黎陽作

孟津

清河作

於廣陵作

于馬上作

陳思

雜詩

九首

公宴詩

侍太子坐

送應氏詩二首

三良詩

遊仙詩

贈白馬王

七章

贈丁儀王粲

贈丁翼

贈丁儀

贈王粲

贈徐幹

七步詩

失題

雜詩

芙蓉池

言志

詩集廣序目次卷之六終

男爾邁校正

詩集廣序 卷之六

江左朱嘉徵止谿論正

中州許三禮西山叅定

魏詩二

五言一

嚴滄浪曰風雅變而爲西漢五言時則有建安體郭
中七子詩黃初體與建安相接其體一也正始體嵇

阮諸公之詩

沈休文傳論曰建安曹氏以情緝物以文被質。

劉彥和曰建安之末魏武雅愛詩章文帝陳思並體
英遠故才俊雲蒸觀其時文雅好慷慨良繇世積亂
離風衰俗怨蓋梗槩而多氣也正始餘風篇體輕澹
矣魏文帝典論曰今之文人魯國孔融文學廣陵陳琳
孔璋山陽王粲仲宣北海徐幹偉長陳留阮瑀元瑜
汝南應瑒德璣東平劉楨公幹斯七子者咸自騁驥
騁于千里仰齊足而並馳

詩集廣序

卷六

魏二 五言

十一

陳壽魏志叙陳思王至劉文學爲建安七子謝康樂

因之作鄴中集詩亦首王粲訖平原侯植焉

徐昌谷曰魏詩門戶也漢詩堂奧也入戶升堂固其

機也而晉氏之風本之魏焉然而判跡于魏者何也

故知門戶非定程也晉陸生之論詩綠情而綺靡綺

靡者因魏詩之沿襲耳

馮汝言曰建安詩辨而不華質而不俚風調格力得

風雅騷人之遺爲近古者也

文帝

再見

魏志文帝天資文藻才藝兼該若加之以廣大之度
勵以公平之誠邁志存道充廣德心則古之賢王何
遠之有哉

許酉山曰子桓叙事體物瀏亮善爲賦體詩于西京

朴氣未遠然古詩聲慶一變爲高澹閒雅矣是開黃

初之風苦未大爾詩品稱其與河梁詩爲近殊未然

雜詩

漫漫秋夜長烈烈北風涼展轉不能寐披衣起彷徨彷
徨忽已冬白露沾我裳俯視清水波仰看明月光天漢

回西流三五正縱橫草蟲鳴何悲孤鴈獨南翔鬱鬱多
悲思綿綿思故鄉願飛安得翼欲濟河無梁向風長歎
息斷絕我中腸

右載文選本集爲抱中作毛注三心五蜀四時更見

序曰帝好文革無立志乃公六州豫附其主猶存故
歌繞樹三匝文帝受禪陳師吳會乃賦孤雁南翔王
業可以槩見

於謙作

清夜延貴客明燭發高光豐膳漫星陳旨酒盈玉觴絃
歌奏新曲游響拂丹梁繁音赴迅節慷慨時激揚獻酬
紛交錯雅舞何鏘鏘羅纓從風飛長劒自低昂穆穆衆

君子和合同樂康。

芙蓉池作

乘輦夜行遊。逍遙步西園。雙渠相溉灌。嘉木繞通川。卑
枝拂羽蓋。修條摩蒼天。驚風扶輪轂。飛鳥翔我前。丹霞
夾明月。華星出雲間。上天垂光彩。五色一何鮮。壽命非
松喬。誰能得神仙。邀遊快心意。保已終百年。

布載文選。

於譙作繁。選作餘。今從詩紀。

於玄武陂作

兄弟共行遊。驅車出西城。野田廣開闢。川渠互相經。黍
稷何鬱鬱。流波激悲聲。萎莖覆綠水。芙蓉發丹榮。柳垂
重蔭綠。向我池邊生。乘渚望長洲。羣鳥謳諱鳴。萍藻泛

濫浮澹澹隨風傾忘憂共容與暢此千秋情。

序曰右三詩游燕之雅也鹿鳴伐木嘉惠不忘方斯邈矣

黎陽作

千騎隨風靡萬騎正龍驤金鼓震上下干戚紛縱橫白旄若素霓丹旗發朱光追思太王德胥宇誠足臧經歷萬歲林行行到黎陽

至廣陵於馬上作

魏志黃初六年十月行幸廣陵故城臨江觀兵戊卒十餘萬旌旗數百里帝于馬上爲詩是歲大寒水舟不得入江乃引還

觀兵臨江水流何湯湯戈矛成山林玄甲耀日光猛

將懷暴怒。膽氣正縱橫。誰云江水廣。一葦可以航。不戰屈敵。□戢兵稱賢良。古公宅岐邑。實始剪殷商。孟獻營虎牢。鄭人懼稽穎。克國務耕殖。先零自破亡。興農淮泗間。築室都徐方。量空運權略。六軍咸悅康豐。如東山詩悠悠多憂傷。

序曰。文帝賦臨江。觀兵廣陵作也。興農淮泗間。此不戰而屈人之略。羊叔子卒以此策乘吳。文帝遠略先見。

孟津

良辰啓初節。高會構歡娛。通天拂景雲。俯臨四達衢。羽爵浮象樽。珍膳盈豆區。清歌發妙曲。樂正奏笙竽。曜靈

忽西邁炎燭繼望舒翼日浮黃河長驅旋鄴都。

右載詩紀初學記構作極

清河作

方舟戲長水。湛澹自浮沈。絃歌發中流。悲響有餘音。音
聲入君懷。悽愴傷人心。心傷安所念。但願恩情深。願爲
晨風鳥。雙飛翔北林。

清河見挽船士新婚與妻別作

與君結新婚。宿昔當別離。涼風動秋草。蟋蟀鳴相隨。冽
列寒蟬吟。蟬吟抱枯枝。枯枝時飛揚。身體忽遷移。不悲
身遷移。但惜歲月馳。歲月無窮極。會合安可知。願爲雙
黃鵠。比翼戲清池。

右二章見玉臺新詠。

藝文作徐幹詩紀同。

序曰。文帝五言。徐孝穆獨存方舟戲長水。與君結新婚。爲黃初高調。余謂頌詩者。逸其志可也。

失題

巾車出鄴宮。較獵東橋津。重置施密網。罕羣飄如雲。彎弓忽高馳。一發連雙鷹。

見藝文類聚

序曰。巾車出鄴中。闕文詩也。闕而存之何也。子建詩飄飄我公子。機巧忽若神。與劉公榦射鳶同刺。

陳思王

再見

蕭何士曰。曹植豐贍。

沈約北史文苑叙曰。當塗受命。曹王陳阮。負宏衍之

思挺棟幹于鄧林者。傳論曰：先士茂鑿子建而京之作。仲宣霸岸之篇，子荊零雨之章，正長廟風之句。並直舉骨情，非傍書史。正以音律調韻，取高前式。目靈均以來，此秘未覩。

鍾嶸詩品曰：陳思爲延安之傑，公幹仲宣爲輔。陸機爲太康之英，安仁景陽爲輔。謝客爲元嘉之雄，顏延年爲輔。皆五言之冠冕也。古詩非調五音，無以諧會。若置酒明月，爲韵之首，也。

劉勰聲律論曰：夫宮商大和，辟諸吹籥，諷迴取均，頗似調瑟。瑟資移柱，故有時而乖舛；籥含定管，故無往而不合。陳思潘岳，吹籥之調也。陸機左思張桂之和也。

陳孔璋答東阿王戰云：音義既遠，清辭以絕。夫聽白雪之音，觀滌水之節，然後東野巴人，蚩鄙益著。

李白曰：子建牢龍羣彥，文苑之羽儀。詩人之龜鑑。

文中子曰：陳思王理達者也。以天下讓。

李臺陽序略曰：予讀植詩，其音宛其情危。其言憤切，而有餘悲。殆處危疑之際者乎？予于是知魏之不競矣。按表云：取齊者田族，分晉者趙魏。意若暗指司馬氏者，歟！

九首
雜詩
九首

明月炤高樓。流光正徘徊。上有愁思婦。悲歎有餘哀。借問歎者誰。言是宕子妻。君行踰十年。孤妾嘗獨棲。君若清路塵。妾若濁水泥。浮沉各異勢。會合何時期。願爲西

南風長逝入君懷。

君懷良不開。賤妾當何依。

樂府怨歌行本辭文選七哀詩

本集同今從王臺集謹按七哀詩或云起于建安仲宣次之張孟陽又次之

釋詩者謂一朝而七哀具似矣不如參穆列雜詩爲

西北有織婦。綺縞何纘紛。明晨秉機杼。日昃不成文。太息終長夜。悲嘯入青雲。妾身守空閨。良人行從軍。自期三年歸。今已歷九春。孤鳥遙樹翔。噭噭鳴索羣。願爲南流景。馳光見我君。

文選雜詩三言本集同孤作飛今從玉臺

集考續之精者曰縞不成文言憂甚而志亂也一歲

三春故三年九春纂要日九十日日九春

微陰翳陽景。清風飄我衣。游魚潛綠水。翔鳥薄天飛。眇
眇客行士。遙役不得歸。始出嚴霜結。今來白露晞。游子
歎黍離。處者歌式微。慷慨對嘉賓。悽愴內傷悲。

文選情詩本集同

謹按起調與浮雲蔽白日異夏至陰生而清風戒塗言時方盛而衰已伏也此意惟遷客知之興黍離式微之歎

攬衣出中閨。逍遙步兩楹。閒房何寂寢。綠草被堦庭。空
室自生風。百鳥翩南征。春思安可忘。憂戚與我并。佳人
在遠道。妾身單且勞。歡會難再遇。芝蘭不重榮。人皆棄
舊愛。君豈若平生。寄松爲女蘿。依水如浮萍。齋身奉衿
帶。朝夕不墮傾。儻終顧盼恩。永副我中情。

本集作閑情今從玉臺集
謹按右二詩調本東城高且長曲刺魏之不競也忠言無所與陳焉

南國有佳人容華若桃李朝游江北岸夕宿瀟湘沚時俗薄朱顏誰爲發皓齒俛仰歲將莫榮耀難久恃

文選雜詩四

右五章載玉臺新咏

謹按南國有佳人英雄撫時之感國風之詠標梅世

高臺多悲風朝日炤北林之子在萬里江湖迥且深方舟安可極離思故難任孤雁飛南遊過庭長哀吟勗思慕遠人願欲托遺音形影忽不見羽羽傷我心

文選雜詩一

集考高臺喻京師悲風言教令朝日喻君之明炤北

林喻小人隔蔽

謹按高臺多悲風傷政急也南游作于播遷之後

轉蓬離本根飄飄隨長風何意廻飈舉吹我入雲中高

高上無極天路安可窮。類此游客子。捐軀遠從戎。毛褐不掩形。微纘嘗不克。去去莫復道。沉憂令人老。

文選雜詩二。

玉臺集闕

謹按傳蓬離本根卽吁嗟篇之本辭也。掉尾換韵。漢詩青青河邊草同。文帝西北有浮雲亦倣此。

僕夫早嚴駕。吾將遠行遊。遠遊欲何之。吳國爲我仇。將騁萬里途。東路安足繇。江介多悲風。淮泗馳急流。願欲一輕濟。惜哉無方舟。閉居非吾志。甘心赴國憂。

文選雜詩五

謹按陳王嘗規吳會與司馬仲達書曰。今賊徒欲保江表。無爭雄。字內之志。其俗以洲渚爲營壘。江淮爲城塹而已。若可得挑致吾一族之卒。足以敵之。足下曾無度彼之謀。恐非主上授節將之心也。觀此其略亦見。

飛觀百餘尺。臨牖御櫺軒。遠望周千里。朝夕見平原。烈

士多悲心。小人媿自閑。國讎亮不塞。甘心思喪元。拊劙西南望。思欲赴太山。絃急悲聲發。聆我慷慨言。

文選雜詩六公本集闕

謹按前七章思立國也。魏根本之搖。其憂深後二章志一統也。而君志荒臣坐大。其風激然託興微遠。志存忠厚卽接武古詩何多讓焉。

公宴詩

公子敬愛客。終宴不知疲。清夜遊西園。飛蓋相追隨。明月澄清景。列宿正參差。秋蘭被長坂。朱華冒綠池。潛魚躍清波。好鳥鳴高枝。神飈接丹轂。輕輦隨風移。飄颻放志意。千秋長若斯。

集考。朱華芙蓉。冒覆也。

謹按子建公宴詩比于盛世之音也。小雅以覽報宴不忘慈惠此詩有焉。

侍太子坐

白日曜青春時雨靜飛塵。寒冰碎炎景涼風飄我身。清
醴盈金觴餚饌縱橫陳。齊人進奇樂歌者出西秦。翩翩
我公子機巧忽若神。

謹按侍太子坐志諷也余聞變風指寄言表此與鄭
風叔于田齊風倚嗟昌兮同一隱刺

送應氏詩

二首

獻帝紀曰車駕至雒陽宮室盡燒時董卓遷獻帝于
西京

步登北邙坂遙望雒陽山。雒陽何寂寞宮室盡燒焚垣
牆皆頓僻荆棘上參天不見舊耆老但覩新少年側足
無行徑荒疇不復田游子久不歸不識陌與阡中野何
蕭條千里無人烟念我平生親氣結不能言。

清時難屢得嘉會不可嘗。天地終無極。人命若朝霜。願得展嬿婉。我友之朔方。親昵並集送。置酒此河陽。中饋豈獨薄。賓飲不盡觴。愛至望苦深。豈不愧中腸。山川阻且遠。別促會日長。願爲比翼鳥。施翮起高翔。

謹按送應氏二詩絕似李少卿歌調。自公譜三良遊仙以往。俱高步建安。不落黃初一格。

三良詩

左傳秦伯任好卒以子車氏三子奄息仲行鍼虎爲殉。皆秦之良也。詩人作黃鳥以哀之。秦穆與羣臣飲酒酒酣。公曰生共此樂死共此哀。奄息等許諾。及公薨皆從死。

功名不可爲。忠義我所安。秦穆先下世。三臣皆自殘。生時等榮樂。旣沒同憂患。誰言捐軀易。殺身誠獨難。攬涕登君墓。臨穴仰天歎。長夜何冥冥。一往不復還。黃鳥爲

悲鳴哀哉傷肺肝。

右五章載文選玉臺並關

謹按余讀三良詩得君子用心之一焉。夫人之見察于其君也亦不以榮落易節。詩序所謂主文而諷諫者也。

遊仙詩

人生不滿百戚戚少歡娛意欲奮六翮排霧凌紫虛蟬
蛻同松喬翻跡登鼎湖。翹翔九天上騁轡遠行遊東觀
扶桑曜西臨弱水流北極玄天渚南翔陟丹丘。

本集文選闕見詩紀

謹按遊仙詩屈子之懷遠遊平子之賦思玄也。郭景純詩亦然。子建收用散調合古意從漢江南曲變

來

贈白馬王彪

七首

本序曰黃初四年正月白馬王任城王與余俱朝京師會節氣到雒陽任城王薨至七月與白馬王還國

後有司以二王歸蕃道路空異宿止意毒恨之。益以大別在數日是用自剖與王辭焉憤而成篇。魏志楚王彪字朱虎武帝子也。初封白馬王後徙封楚任城王。彰字子文。卞皇后子。與植同母。建安中伐烏桓有功。文帝黃初三年爲任城王。四年朝京師。不卽得見。累薨。

謁帝承明廬逝將歸舊疆。清晨發皇邑。日夕過首陽。伊雒廣且深。欲濟川無梁。汎舟越洪濤。怨彼東路長。顧瞻戀城闕。引領情內傷。

集考。魏明帝作建始殿。朝會皆錄承明門。舊疆郵城也。時植雖封雍丘。仍居鄆城。

太谷何寥廓。山樹鬱蒼蒼。霖雨泥我塗。流潦浩縱橫。遶絕無乾轍。改轍登高岡。修坂造雲日。我馬玄以黃。

魏志。黃初四年七月大雨。伊雒溢流。

立黃猶能進我思。鬱以紓鬱。紓將何念。親愛在離居。本

圖相與偕中更不克俱。騶梟鳴衡輶豺狼當路衢。蒼蠅間白黑。讒巧令親疎。欲還絕無蹊。攬轡止踟蹰。

集考。鄭玄曰。蠅之爲蟲。汗白使黑。清黑使白。何念作難。進今從詩紀。

文選

踟蹰亦何留。相思無終極。秋風發微涼。寒蟬鳴我側。原野何蕭條。白日忽西匿。歸鳥赴喬林。翩翩厲羽翼。孤獸走索羣。街草不遑食。感物傷我懷。撫心長歎息。

賦

通鑑。漢句。蟬應陰而鳴。鳴則天涼。故謂之

歎息將何爲。天命與我違。奈何念同生。一往形不歸。孤魂翔故域。靈柩寄京師。存者忽復過。亡沒身自衰。人生處一世。去若朝露晞。年在桑榆間。影響不能追。自顧非金石。咄嗟令心悲。

心悲動我神棄置莫復陳丈夫志四海萬里猶比鄰恩愛苟不虧在遠分日親何必同衾幬然後展殷勤憂思成疾痛無乃兒女仁倉卒骨肉情能不懷苦辛

集考。祔。床帳也。幬與祔古字通。

苦辛何慮思天命信可疑虛無求列仙松子久吾欺變故在斯須百年誰能持離別永無會執手將何時王其憂玉體俱享黃髮期收淚卽長路援筆從此辭

右載文選

藝苑卮言曰是詩全法大雅文王之什篇體特首二章不相承耳後人不知合爲一章。謹按謂帝承明廬怨別也。夫上闕親親之恩而下替友于之愛是愈疏也故怨而作詩。

贈丁儀王粲

魏書建安二十年公西征張魯漢書祁農縣故秦函谷關時植以臨淄侯從征

從軍度函谷驅馬過西京山岑高無極涇渭揚濁清壯哉帝王居佳麗殊百城員闕出浮雲承露槧泰清皇佐揚天惠四海無交兵權家雖愛勝全國爲今名君子在末位不能歌德聲丁生怨在朝王子歡自營歡怨非貞則中和誠可經

集考皇佐太祖也君子謂丁王權家兵家孫子曰用兵全國爲上破國次之謹按皇佐揚天惠立言有法與王粲公燕詩克符周公業同

贈丁翼

嘉賓填城闕豐贍出中厨吾與二三子曲宴此城隅秦筆發西氣齊瑟揚東謳肴來不虛歸觴至反無餘我豈

狎異人。朋友與我俱。大國多良材。譬海出明珠。君子義
休。倚小人。德無儲。積善有餘慶。榮枯立可須。滔蕩固大
節。時俗多所拘。君子通大道。無願爲世儒。

集考文士傳。翼字敬禮。儀之弟也。爲黃門侍郎。

贈丁儀

初秋涼風發。庭樹微銷落。凝霜依玉除。清風飄飛閣。朝
雲不歸山。霖雨成川澤。黍稷委疇隴。農夫安所獲。在貴
多忘賤。爲恩誰能博。狐白足禦冬。焉念無衣客。思慕延
陵子。寶劍非所惜。子其寧爾心。親交義不薄。

魏器丁儀字正禮。太祖辟爲掾。集日與都亭侯可翼

贈王粲

端坐苦愁思。攬衣起西遊。樹木發春華。清池激長流。
中
有孤鴛鴦。哀鳴求匹儔。我願執此鳥。惜哉無輕舟。欲歸
忘故道。顧望但懷愁。悲風鳴我側。羲和逝不留。重陰潤
萬物。何懼澤不周。誰令君多念。自使懷百憂。

集

考
按
舊
贊
坐
苦
愁
思
詠
孤
鴛
之
求
匹
儔
木
之
義
也

一

曰
植
以
才
見
異
而
丁
儀
丁
翼
楊
修
爲
之
羽
翼
時
魏
公
誅

讀
思
王
賦
水
重
深
而
魚
悅
林
茂
修
而
鳥
喜
蓋
恢
弘
德

余

度
進
父
兄
以
所
短
也

贈徐幹

驚風飄白日。忽然歸西山。圓景光未滿。衆星粲以繁。志
士營世業。小人亦不閒。聊且夜行遊。遊彼雙闕間。文昌
鬱雲興。迎風高中天。春鳩鳴飛棟。流疾激櫺軒。顧念蓬

室士貧賤誠足憐。微蘿弗充虛皮褐。猶不全慷慨。有悲心。興文自成篇。寶棄怨何人。和氏有其愆。彈冠俟知己。知已誰不然。良田無晚歲。膏澤多豐年。亮懷璠璵美。積久德愈宣。親交義在敦。申章復何言。

右五章載文選
集韋文昌正殿名迎風觀在鄆

謹按子建贈詩五章初從魏公征行攬御英雄之槩
畧見魏公之御天下以術智其處家人父子也無以
異悲夫

序曰思王詩興喻與論議間起于古詩亦稍縱矣其朴大疎闊處直追蘓李勁風。魏晉以降詩以競麗爲工。披華相贅僅得其風神格調而止子美詩數稱氣象。何與誦子建詩忠義我所安。大國多良材。重陰

潤萬物良田無晚歲可以觀氣象矣

七步詩

煮豆燃豆萁豆在釜中泣本是同根生相煎何太急。

右載新譜文帝嘗令東阿王七步中作詩不成者行
大法植應聲爲詩帝有慙色

失題

雙鶴俱遨遊相失東海傍雄飛竄北朔鳴驚赴南湘棄我交頸歡離別各異方不惜萬里道但恐天網張。

見藝文類聚

雜詩

悠悠遠行客去家千餘里出亦無所之入亦無所止浮

詩集廣序 卷之六終

雲翳日光悲風動地起。

芙蓉池

逍遙芙蓉池。翩翩戲輕舟。南陽棲雙鵠。北柳有鳴鳩。

言志

慶雲未時興。雲龍潛作魚。神鸞失其儔。還從燕雀居。

右詩紀闕文詩

序曰。余搜故牒。得子建詩五章。都闕文。其佚者有間矣。惜哉。

詩集廣序卷之六終

男爾邁較正

詩集廣序目次 卷之七

魏詩

三

五言

二

王

粲

七哀詩三首

懷德詩

公讌詩

詠史詩

雜詩

雜詩四首

劉

楨

雜詩

公讌詩

贈五官中郎將四首贈徐幹

贈徐幹

陳

琳

遊覽二首

徐

幹

情詩

雜詩五首

室思

答劉公幹詩

阮

瑀

雜詩二首

七哀詩

言少房

應

瑩

侍五官集詩

別詩二首

鬪鶴

應

璇

百一詩二首

雜詩二首

應

璇

暖

繁

欽

蕙詠

杜

擎

贈毋丘儉

毋丘儉

答杜擎

晏

擬古

何

晏

失題

王

宋

詩二首

程

曉

嘲熱客

葛

玄

仙公詩二首

秦

宏

遠遊

詩集廣序

卷之七

江左朱嘉徵止谿論正

中州許三禮西山叅定

詩集廣序

卷之七

五言

二

魏詩

三

王粲

再見

蕭顥士曰。王粲超逸。

詩品曰。粲詩其源出于李陵。發懨愴之詞。在曹劉間。別情一體。體性竊仲宣躁銳。顥出而才果。

劉勰曰。仲宣詩。七子之冠冕。李白曰。河朔人物。王劉稱首。

七哀詩

三首

本集。粲避難荊州時作。

沈約曰。仲宣灞岸篇。音律調韵。靈均以來。此秘未覩。

西京亂無象豺虎方遘患復棄中國去委身適荆蠻親
戚對我悲朋友相追攀。出門無所見白骨蔽平原路有
饑婦人抱子棄草間顧聞號泣聲揮涕獨不還未知身
死處何能兩相完驅馬棄之去不忍聽此言南登霸陵
岸回首望長安悟彼下泉人喟然傷心肝。

右載文選

荆蠻非我鄉何爲久滯滻方舟泝大江日暮愁我心山
岡有餘映巖阿增重陰狐狸馳赴穴飛鳥翔故林流波
激清響猿猱臨岸吟迅風拂裳袂白露沾衣襟獨夜不
能寐攝衣起撫琴絲桐感人情爲我發悲音羈旅無終
極憂思壯難任

邊城使心悲。昔吾親更之。冰雪截肌膚。風飄無止期。百里不見人。草木誰當遲。登城望亭隧。羽翮飛戍旛行者。不顧反出門。與家辭。子弟多俘囚。哭泣無已時。天下盡樂土。何爲久留茲。蓼蟲不知辛。去來勿與諮。

右三章載詩紀 遷治同平聲

序曰。仲宣七哀閔亂也。登樓賦惟日月之逾邁。俟河清之未極。可以蔽之。孟德瞻彼雒城郭。微子爲哀傷。侍中南登灞陵岸。回首望長安。使人低徊欲絕。去漢樂府何遠。相其英分。見人變古詩之淳茂。而自成其雄高磊落。大手筆也。觀子建從軍度函谷詩頗難降下。

懷德詩

伊昔值世亂。秣馬辭帝京。旣傷蔓草別。方知杕杜情。殺
函復丘墟冀闕緬縱橫。倚棹汎涇渭。日暮山河清。蟋蟀
依桑野。嚴風吹若葦。鶴鷁在幽草。客子哭已零。去鄉三
十載。幸遭天下平。賢主降嘉賞。金貂服玄纓。侍宴出河
曲。飛蓋遊鄴城。朝露竟幾何。忽如水上萍。君子篤義惠。
柯葉終不傾。福履旣所緣。千載垂令名。

右載本集
集考魏書公破劉表而辟粲遇之甚厚。

序曰君子知已之感以義不以惠王侍中爲賦懷德

詩

公讌詩

昊天降豐澤。百卉挺歲蕤。涼風撤蒸暑。清雲却炎暉。高會君子堂。竝坐蔭華棟。嘉肴克圓方。旨酒盈金罍。管絃發徽音。曲度清且悲。合坐同所樂。但憇杯行遲。嘗聞詩人語。不醉且無歸。今日不極歡。含情欲待誰。見眷良不翹。守分豈能違。古人有遺言。君子福所綏。願我賢主人。與天享巍巍。克符周公業。奕世不可追。

序曰。公讌詩。克符周公業。嚴筆也。荀文若一流人。左顧右盼。旁若無人之槩子。建遇之自然傾下。重陰潤萬物。何懼澤不周。與昊天降豐澤。百卉挺歲蕤。頌中寓規略同。

詠史詩

呂向曰。曹公好以已事誅殺賢良。舉故託言秦穆公。
殺三良自徇以諷之。

自古無殉死。達人所共知。秦穆殺三良。惜哉空爾爲結髮。事明君受恩良不訾。臨沒要之死焉得不相隨。妻子當門泣。兄弟哭路陲。臨穴呼蒼天。涕下如纏縻。人生各有志。終不爲此移。同知埋身劇。心亦有所施。生爲百夫雄。死爲壯士規。黃鳥作哀詩。至今聲不虧。

右三章載文選詩序。黃鳥哀三良也。皎然曰。陳王詩。秦穆先下世。三臣肯自殘。仲宣詩。秦穆殺三良。惜哉空爾爲。蓋以徙國任城。嘗有憂生之慮。故其詞婉娩。存幾諫也。王顯責穆公。正言其過。存直諫也。二詩體格高遠。才藻亦相敵。

雜詩

日暮遊西廬。冀寫憂思情。曲池揚素波。列樹敷丹榮。上

有特棲鳥懷春向我鳴褰衽欲從之路險不得征徘徊
不能去佇立望爾形風颺揚塵起白日忽已宴回首入
空房託夢通精誠人欲天不違何懼不合并

序曰日暮遊西園懷人也時事或有難言者故系之
雜詩余按本集粲有與楊德祖詩今則亡時修與
丁儀並以臨淄見戮中詠特棲鳥者子建也植贈粲
詩中有孤鶯聲哀鳴求匹儔以此

雜詩

四首

吉日簡清時從君出西園方軌策良馬並驅厲中原北
臨清漳水西看柏陽山回翔遊廣園逍遙波水間
列車息衆駕相伴綠水滑幽蘭吐芳烈芙蓉發紅暉百

鳥何續。翶振翼。羣相追。投網引潛魚。強弩下高飛。白日已西邁。歡樂忽忘歸。

集見清河作同辭。

聯翩飛鸞鳳。獨遊無所因。毛羽照野草。哀鳴入層雲。我尚假羽翼。飛覩爾形身。願及春陽會。交頸邇殷勤。驚鳥化爲鳩。遠竄江漢邊。遭遇風雲會。託身鸞鳳間。天姿旣否戾。受性又不閑。邂逅見逼迫。俛仰不得言。

右載本集藝文類聚同

序曰。侍中雜詩四章。筵初謝。臨漪侯交而見迫于子桓也。

劉楨公幹東平人。太祖辟爲丞相掾。屬太子。嘗宴諸文學酒酣。命夫人甄氏出拜。坐中咸伏楨獨平。

視太祖聞之乃收治罪減死輸作署吏建安二十二年卒。

文帝曰。公幹有逸氣。但未道耳。至五言詩之善者。妙絕時倫。鍾記室曰。植詩氣奇。高風跨俗。自思王以下。植稱獨步。劉彥和曰。劉植情高以會采。僧皎然曰。鄴中詩陳王最高。劉郎語與興驅。勢逐情起。不拘對屬。不繇作意。氣格自高。十九首其共流一也。

雜詩

職事相填委。文墨紛消散。馳翰未暇食。日昃不知晏。沈迷簿領書。回回自昏亂。釋此出西城。登高且遊觀。方塘含白水。中有鳧與鴈。安得肅肅羽。從爾浮波瀾。

右載文選。

序曰。劉文學雜詩。方塘含白水。自然瀟洒。言外有河。

清之思。

公讌詩

永日行遊戲。歡樂猶未央。遺思在玄夜。相與復翶翔。輦車飛素蓋。從者盈路傍。月出炤園中。珍木鬱蒼蒼。清川過石渠。流波爲魚防。芙蓉散其華。菡萏溢金塘。靈鳥宿水裔。仁獸遊飛梁。華館寄流波。豁達來風涼。生平未始聞。歌之安能詳。投翰長歎息。綺麗不可忘。

右載文選

序曰。永日行遊戲。燕會之雅也。風喻深長。頌而不諛。僅見于建公幹仲宣三作。唐詩應制所昉。

贈五官中郎將

四首

魏志建安十六年正月。天子命公世子丕爲五官中郎將副丞相時來視植疾。植詩贈之。

昔我從元后。整駕至南鄉。過彼豐沛都。與君共翔翔。四節相推斥。季冬風且涼。衆賓會廣坐。明燈燭炎光。清歌製妙聲。萬舞在中堂。金罍含甘醴。羽觴行無方。長夜忘歸來。聊且爲太康。四牡向路馳。歡悅誠未央。

選注元后謂操也。南鄉征劉表也。豐沛喻樵君五官也。

余嬰沈痼。疾竈身清漳濱。自夏涉立冬。彌曠十餘旬。嘗恐游岱宗不復見故人。所親一何篤。步趾慰我身。清談同日夕。情盼叙憂勤。便復爲別辭。遊車歸西隣。素葉隨風起。廣路揚埃塵。逝者如流水。哀此遂離分。追問何時會。要我以陽春。望慕結不解。貽爾新詩文。勉哉修今德。

北面自寵珍

漢書魏郡武始縣漳水至邯鄲入漳。

秋日多悲懷。感慨以長歎。終夜不遑寐。敘意於濡翰。明燈曜闔中。清風淒已寒。白露塗前庭。應門重其闥。四節相推斥。歲月忽欲殫。壯士遠出征。戎事將獨難。涕泣灑衣裳。能不懷所歡。

選注北士謂五官出征謂在孟津。典畧曰建安二十二年魏郡大疫徐幹劉楨等俱逝然其間惟鎮孟津及黎陽而無所征伐。

涼風吹沙礫。霜氣何皚皚。明月炤緹幕。華燈散炎輝。賦詩連篇章。極夜不知歸。君侯多壯思。文雅縱橫飛。小臣信頑鹵。罷安能追。

右四章載文選

集考漢舊儀列侯爲丞相稱君侯

序曰昔我從元后。勉君侯以今德也。劉文學詩風
規俊朗聲清越以長。頌詩可想見其爲人。敘述問
答有頌有勉。腕下折旋如風。見其氣爽力勁也。

贈徐幹

謹謂相去遠隔此西掖垣拘限清切禁中情無繇宣思
子沈心曲長歎不能言起坐失次第一日三四遷步出
北寺門遙望西苑園細柳夾道生方塘含清源輕葉隨
風轉飛鳥何翩翩乖人易感動涕下與衿連仰視白日
光皎皎高且懸兼燭八紜內物類無頗偏我獨抱深感
不得與比焉。

右載文選

集考風俗通尚書侍御御史謫者所止皆日寺。

序曰。誰謂相去遠。贈友也。情致娓娓。任其縹繞。委至彌見雄逸。却與古詩融于水乳。

贈從弟

三首

汎汎東流水。磷磷水中石。蘋藻生其涯。華葉紛擾溺采之薦宗廟。可以羞嘉客。豈無園中葵。懿此出深澤。
亭亭山上松。瑟瑟谷中風。風聲一何盛。松枝一何勁。冰霜正慘淒。終歲嘗端正。豈不罹凝寒。松柏有本性。
鳳凰集南嶽。徘徊孤竹根。子心有不厭。奮翅凌紫氛。豈不嘗勤苦。羞與黃雀羣。何時當來儀。將須聖明君。

右三章載文選

選注鳳生丹穴曰。南嶽黃雀喻俗士也。

射鳶

鳶鳶美雙翼。飄渺青雲。我后橫怒起。意氣凌神仙。發機如驚蛇。三發兩鳶連。流血灑牆屋。飛毛從風旋。庶士同聲贊君射。一何妍。

鬪鷄

丹鷄被華采。雙距如鋒芒。願一揚炎威。會戰此中唐。利爪探玉除。瞋目含火光。長翹驚風起。勁翮正敷張。輕舉奮勾喙。電擊復還翔。

布二章載詩紀

序曰。劉文學贈從弟。詩以勉之。興高有逸氣。爲嵇叔夜所宗。射鳶鬪鷄諷詩也。文帝善爲樂方。未弘大道。

子建亦有白日曜青春遊目極妙伎之句。

失題

二首

昔君錯畦時。東土有素木。條柯不盈尋。一尺再三曲。隱
生寘翳林。空惚自迫束。得託芳蘭苑。列植高山足。關
青青女蘿草。上依高松枝。幸蒙庇養恩。分惠不可貲。風
雨雖急疾。根株不傾移。關

右闋文詩二章見藝文

本集作雜詩

序曰。失題二章。豈初從魏公時作耶。

陳琳

孔璋廣陵人。避難冀州。袁紹使典文章。袁氏敗後歸太祖。太祖使琳與阮瑀並爲司空軍謀祭酒。管記室軍國書檄多琳瑀所作也。從門下督。

魏文帝典論曰。琳瑀之草。其書記今之雋也。陳思王與琳書曰。夫披翠雲以爲衣。戴北斗以爲冠。帶虹蜺以爲佩。連日月以爲美也。然而

帝王不服者望殊于天志絕于心矣蓋歲其少便習之辭也。

遊覽二首

高會時不娛羈客難爲心殷懷從中發悲感激清音投觴罷歡坐逍遙步長林肅肅山谷風默默天路陰惆悵忘旋反歎欷涕沾襟

節迢時氣舒秋風涼且清閒居心不娛駕言從友生翶翔戲長流逍遙登高城東望看疇野廻顧覽園庭嘉木凋綠葉芳草纖紅榮騁哉日月逝年命將西傾建功不及時鐘鼎何所銘收念還房寢慷慨詠墳經庶幾及君在立德垂功名

右載詩紀

謹按玉臺集載孔璋飲馬長城篇行今入樂府古詩

纔二章耳。因感典論，不及其詩而子建書詞亦幾也。
讀其騁哉！日月逝氣格頗高溫飛卿有詩吊之石麟
埋沒藏春草，銅雀荒涼對暮雲。

序曰：高會時不娛陳記室志義之感也。

徐幹

偉長，北海人。爲司空軍謀祭酒掾屬五官中郎將文學。

文帝曰：文人類不諳細行，鮮能以名節自立。偉長獨懷文抱質恬澹寡欲，有箕山之志。可謂彬彬君子矣。與論曰：主梁長于辭賦，徐幹時有齊氣，然梁之匹也。著論成一家言。

情詩

高殿鬱崇崇，廣廈淒泠泠。微風起，閨闥落日炤，階庭躡躅雲屋下。笑歌倚華楹，君行殊不返。我飾爲誰榮，鑪薰鬪不用。鏡匣上塵生，綺羅失嘗色。金翠暗無精，嘉肴既忘御。旨酒亦嘗停，顧瞻空寂寂。唯聞燕雀聲，憂思連相

屬中心如宿醒

王臺新詠

謹按高嚴鬱崇崇歎行與願違也古來才士遇合向獨不然偉長託興于情詩與樂府豫章行艷歌行同指。

雜詩 五首

沈陰結愁憂。愁憂爲誰興。念與君相別。各在天一方。良會未有期。中心摧且傷。不聊憂殫食。慊慊嘗饑空端坐而無爲。髡鬚君容光。

峩峩高山首。悠悠萬里道。君去日已遠。鬱結令人老。人生一世間。忽若芳春草。時不可再得。何爲自愁惄。每誦昔鴻恩。賤軀焉足保。

浮雲何洋洋。願因迺我詞。飄飄不可寄。徒倚徒相思。人

離皆復會。君獨無返期。自君之出矣。明鏡暗不治。思君如流水。何有窮已時。

古藝文作室思。宋孝武自君之出矣題云擬室思。本集玉臺新詠並爲雜詩。

慘慘時節盡蘭華凋復零。喟然長歎息。君期慰我情。展轉不能寐。長夜何綿綿。躡履起出戶。仰觀三星連。自恨志不遂。泣涕如涌泉。

思君見巾櫛。以益我勞勤。安得鴻鸞羽。覩此心中人。誠心亮不遂。搔首立悽悽。何言一不見。復會無因緣。故然比目魚。今隔如參辰。

室思

人靡不有初。想君能終之。別來歷年歲。舊恩何可期。重

新而忘故君子所猶譏寄身雖在遠豈忘君須臾旣厚
不爲薄想君時見思。

右並見王臺新詠

謹按雜詩拉室思同爲風人專一之思也思力窮窮如齊都賦含清歌以詠志者非耶。

答劉公幹詩

與子別無幾所經未一旬我思一何篤其愁如三春雖
路在咫尺難涉如九關陶陶諸夏別草木昌且繁。

詩品曰白馬與陳思答贈偉長與公幹往復雖日以
蓮扣鐘亦能闢雅矣白馬詩今不傳。

序曰偉長詩絕沈惋開六代人風尚爲古詩變調。
取致簡遠頗少齊氣。

阮瑀

元瑜陳留人少受學于蔡邕曹操辟爲司空軍
謀祭酒管記室後爲倉曹掾屬建安十七年卒

雜詩

二首

臨川多悲風。秋日苦清涼。客子易爲戚。感此用哀傷。攬衣起躑躅。上觀心與房。三星守故次。明月未收光。雞鳴當何時。朝晨尚未央。還坐長歎息。憂憂安可忘。

我行自稟秋。季冬乃來歸。置酒高堂上。友朋集光輝。念當復離別。涉路險且夸。思慮益惆悵。淚下沾裳衣。

右載詩紀
謹按晴河清難俟賦臨川多悲風之二章。

七哀詩

丁年難再遇。富貴不重來。良時忽一過。身體爲土灰。冥九泉室漫漫長夜臺。身盡氣力索精魂。靡所能嘉肴。設不御旨酒。盈觴杯出廣。望故鄉。但見蒿與萊。

右見本集

謹按。七哀同驅車上東門一例。或曰。爲遇良時而不
知立業者告也。徒取富貴自了一生。豈不哀乎。

序曰。元瑜雅合古詩風度。可以追蹤王劉。偉長輩不及也。初。瑀不受魏公之辟。作筆賦以見志。公焚山而得之。豈賦所稱卓礪盤桓壯士之節者耶。

應陽

德璉。汝南人。劭之從子。太祖辟爲丞相掾屬。轉

二年卒。

侍五官中郎將建章臺集詩

魏志。建安十六年正月。天子命公世子丕爲五官中郎將。

朝雁鳴雲中。音響一何哀。問子遊何鄉。戢翼正徘徊。昔我塞門來。將就衡陽棲。往春翔北土。今冬客南淮。遠行

蒙霜雪。毛羽日摧頽。常恐傷肌骨。身墮黃泥塗。
沙石。何能中自諧。欲因雲雨會。濯翼陵高梯。
良遇不可值。伸眉路何階。公子敬愛客。樂飲不知疲。
和顏旣已暢。乃肯顧細微。贈詩見存慰。小子非所宜。
且爲極歡情。不醉其無歸。凡百敬爾位。以副饑渴懷。

別詩

二首

朝雲浮四海。日暮歸故山。行役懷舊土。悲思不能言。
悠涉千里。未知何時旋。

浩浩長河水。九折東北流。晨夜赴滄海。海流亦何抽。
適萬里道。歸來未有期。臨河累太息。五內懷傷憂。

鬪雞

戚戚懷不樂。無以釋勞勤。兄弟游戲場。命駕迎衆賓。
部分曹伍羣雞煥。以陳雙距解長絛。飛踊超敵倫。芥羽
張金距。連戰何纊紛。從朝至日夕。勝負尚未分。專場驅
衆敵。剛捷逸等羣。四坐同休贊。賓主懷悅欣。博奕非不
樂。此戲世所珍。

右首章見文選後三首載詩紀

序曰。德璉興高聲亮。建章集詩。竝王劉公讌鼎足矣。
爰爲昭明真賞。

應璩

休連

之弟

博學好屬文

明帝時歷官散騎嘗

侍齊王卽位

稍遷侍中

大將軍長史與著作

嘉平四年卒

之弟

博學好屬文

明帝時歷官散騎嘗

侍齊王卽位

稍遷侍中

魏志齊王卽位大將軍曹爽多違法度璩爲詩以諷焉其言頗諧然多切時要

劉勰曰百一獨立不懼詞謫義貞魏之遺直也

百一詩

二首

本序時謂曹爽曰公今聞周公巍巍之稱安知百慮
有一失乎。

下流不可處君子慎厥初名高不宿著易用受侵誣前
者嘵官去有人適我閭田家無所有酌醴焚枯魚問我
何功德三入承明廬所占於此土是謂仁智居文章不
經國筐篋無尺書用等稱才學往往見歎譽避席跪自
陳賤子實空虛宋人遇周客慙媿靡所如。

右載文選

年命在桑榆東岳與我期長短有嘗會遲速不得辭斗
酒多爲樂無爲待來茲室廣致凝陰臺高來積陽奈何
季世人侈靡在宮牆飾巧無窮極土木被朱光徵求傾

四海雅意猶未康。

右載詩紀

楚國先賢傳曰應璩作百一詩讖切時事微以示有位者咸相怪愕以爲應焚棄之何晏獨無怪也。謹按百一詩諷時相也。曹子真人生子豚犢耳。杞人憂天非三入承明者不辨後世能如應侍中者幾人哉。

雜詩二首

細微不可慎。隕漬自蟻穴。腠理蚤從事。安復勞鍼石。哲人覩未形。愚夫闇明白。曲突不見賓。燋爛爲上客。思願獻良規。江海倘不逆。狂言雖寡善。猶有如雞跖。雞跖食不已。齊王爲肥澤。

木集廣文選並作應場詩紀從藝文訂定。
集考淮南子齊王之食鷄跖必數千而後足。跖。一作
肪。誤。

散騎嘗師友。朝夕進規獻。侍中主喉舌。萬機無不亂。尚書統庶事。官人秉法憲。彤管弭納言。貂璫表武弁。出入承明廬。車服一何煥。三寺齊榮秩。百僚所瞻願。

右見藝文

朝。一作朋。秉。一作乘。誤。

謹按休連雜詩二章獻規也。明王謹細織爲先事之

防。若在位者守法憲。好以職業相規。久安長治之道也。

三叟

古有行道人。陌上見三叟。年各百餘歲。相與鋤禾葵。住車問三叟。何以得此壽。上叟前致辭。內中嫗貌醜。中叟前致辭。量腹節所受。下叟前致辭。夜臥不覆首。要哉三叟言。所以能長久。

少壯面目澤。長老顏色麤。麤醜人所惡。拔白自洗穢。

右載詩紀

謹按休連三叟闡文詩。諷時人華末而遺其本也。世好盡年往往求之遠而失之近。人貴立德不耻年之流而耻髮之白。大惑終身不解者哉。觀其立言非後人焚弃所得盡者。

應援

唐藝文志有應援集十卷

雜詩

貧子語窮兒。無錢可把撮。耕自不得粟。采彼北山葛。簞瓢恒自在。何用相呵喝。

詩紀見初學記

謹按韻瓢恒自在樂道非樂貧也。應子可謂不貧。

繁欵

再見

詩集廣序

卷七

魏三

五言

五

蕙詠

蕙草生山北。托身失所依。植根陰崖側。夙夜懼危頽。
寒泉浸我根。淒風嘗徘徊。三光炤八極。獨不蒙餘暉。
葩葉永彫悴。凝露不暇晞。百草皆含榮。已獨失時姿。
比我英芳發。颶鳩鳴已衰。

集考。休伯才士不處於文學之列。故詠之。謹按蕙詠悲不遇。則也。此定情詩所爲作。

杜摯

德魯河東人。初署司徒軍謀。惠後舉孝廉。除郎中。轉補校書。文章叙錄曰。摯與母丘儉鄉里相親。故爲詩與儉求助也。儉答詩竟不得還。卒于秘書。

贈母丘儉

騏驥馬不試。婆娑槽櫪間。壯士志未伸。坎軻多辛酸。
伊摯爲媵臣。呂望身操竿。夷吾困商販。甯戚對牛歎。食其

處監門。淮陰飢不餐，買臣老負薪。妻叛呼不還，釋之宦十年。位不增故官，才非八子倫。而與齊其患，無知不在此。袁盎未有言，彼此萬病久榮衛。動不安，聞有韓衆藥信來給一丸。

母丘儉

仲恭河東聞喜人。初爲平原侯文學，累遷荊州刺史。安帝高句麗數侵叛，儉討之有功，遷鎮東將軍。

魏志王凌風節格尚，母丘儉才識拔群。諸葛誕嚴毅，重鍾會精練，策數咸以顯名。致茲榮任，而皆心大志，近不慮禍難。變如發穢宗室塗地，豈不謬惑邪。

答杜摯

鳳鳥翔京邑，哀鳴有所思。才爲聖世出，德音何不怡。八子未際遇，今者遭明時。胡康出壠畝，楊偉無根基。飛騰

冲雲天奮迅。協光熙駿驥。骨法異伯樂。觀知之。但當養羽翮。鴻舉必有期。體無纖微疾。安用問良醫。聯翩輕栖集。還爲燕雀嗤。韓衆藥雖良。恐便不能治。悠悠千里情。薄言答嘉詩。信心感諸中。中賞不在辭。

古二詩載詩紀初學記同

謹按杜較書與母丘鎮東贈答二詩或曰感切求助而不之許者非夫國家名器至重達者不求求者不予義也不然則兩失之疑別有興喻不堪爲流俗人道耶抑杜難與圖大故不及其難未始非知已也

何晏

平叔南陽宛人。尚主。又好色。故黃初時無所事任。正始中。曹爽用爲中書。主選舉。宿舊者多得

濟狀爲司馬宣王所誅。名士傳曰。是時曹爽輔政。識者慮有危局。晏有重名。與魏姻戚。內雖懷憂。而無復退也。著五言詩以言志。

擬古

雙鶴比翼遊。羣飛戲太清。嘗恐失網羅。憂禍一旦并。豈若集五湖。順流唼浮萍。逍遙放志意。何爲怵惕驚。

集考。世說雙雀作鴻鵠。

失題

轉蓬去其根。流飄從風移。茫茫四海涂。悠悠焉可彌。願爲浮萍草。託身寄清池。且以樂今日。其後非所知。

見初學記

讀按晉書言何平子好老莊希心玄遠不習機務。今讀雙鶴轉蓬二詩託身何啻浮萍斷梗無所稅駕耶。魏志文帝慕通達而士輕志節此其一徵。

王宋

詩二首

本序王宋者平口將軍劉勲妻也入門三十餘年後勲死山陽司馬氏女以宋無子出之還于道中作詩

詩集廣序

卷七

魏三

五言

七

翩翩牀前帳張以蔽光輝昔將爾同去今將爾同歸纖藏篋笥裏當復何時披

誰言去婦薄去婦情更重千里不唾井況乃昔所奉遠望未爲遙踟蹰不得竝

右載玉臺新詠詩紀從藝文作魏文帝代作謹按王宋詩憶惄忠愛堪與班姬紈扇並驅故曰詩

可以怨文帝薄人必不能作讀猛虎行雲而散洪池可想其薄

程曉

季明衛尉安鄉侯昱之孫以祖功分封列侯嘉平中爲黃門侍郎遷汝南太守古文苑作晉人

嘲熱客

平生三伏時道路無行車閉門避暑臥出入不相過今世穢穢子觸熱到人家主人聞客來顰蹙奈此何謂當起行去安坐正容嗟所說無一急嗜嗜一何多疲瘞向

之久。甫問君極那搖扇髀中疾流汗正滂沱莫謂爲小事亦是一大瑕傳戒諸高明熱行空見呵。

載古文苑

世說鄒嘉賓二伏之日詣謝公炎暑熏赫雖復當風交扇猶憇汗流離謝著數絹衣食熱白粥晏然無異謹按程汝南身列市朝而故嘲熟客慕通達之妙也雖然炙手揚中時空舒此冷眼

葛玄

孝先句容人赤城山修道吳赤房七歲八月十五日白日昇天駐空賦詩

仙公詩

二章

真人昔遺教愍念孤癡子嬖邪不信道禍亂繇斯起身隨朝露晞悔恨何有已大道嘗無爲弘之繇善始逍遙有無間流朗絕形名飄飄八景輿游衍自玉京王侯能篤信必爲天下貞夫人體至德一切蒙其感

序曰余誦魏詩而歎之文帝通達疎于立國明帝懷
中失于貽謀且朝廷薄親親之懼卿士闢羔羊之節
七子而下風衰俗怨矣人曰此玄學之咎余曰非也
因取葛真人詩爲之坊云

秦宓

遠遊

遠遊何所見所見邈難紀巖穴非我隣林麓無知己虎
則豹之兄鷹則鸞之弟困獸走環岡飛鳥驚巢起猛氣
何咆厲陰風起千里遠遊長太息太息遠遊子。

謹按遠遊者去國之感疑朝有跋扈之臣故寓言及之與魏文帝樂府十五同辭。

詩集廣序卷之七終

男爾邁較正